

# INUIT ATAQATIGIIT INATSIARTUNI



UKA2023/31  
Okt.-ip 10-iat 2023  
Harald Bianco

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 1/2022-imi Inatsisartut ilaliinissaannik siunnersuut:

**Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalimmiunilu suleqatigiinnermut naalakkersuisunut kaammattuutigaa Nunat Avannarliit Killiit aalajangersakkatut kaammattuutaanik nunat malitseqartitsisarnerat pillugu suleqatigiinnermut naalakkersuisut ukiumoortumik nassuiaateqartarnerat siusarsaqqullugu Nunat Avannarliit Killiit Siunnersuisoqatigiiffiannut ataatsimut allakkatigut nassuiaateqartarnermut suleqatigiinnermut naalakkersuisut paarlakaajaallutik aqutsisuusarnerisigut.**

(Aallartitat siulittaasuat Doris J. Jensen)

Siullermik aallartitat siulittaasuat saqqummiussarnut qujanaq, taamatullu Naalakkersuisoq akissuteqaaternut qujanaq.

Nunat Avannarliit Killiit suliniaqatigiiffeqarnerput Inuit Ataqatigiinit pisariaqartutut pingaaruteqartutullu isigaarput.

Soorunami suliniaqatigiiffimmi suliat sulluunniit allagaatinggorlugit ilisimaqarfiginisaat pingaaruteqarpoq.

Naalakkersuisut akissuteqataanni takuneqarsinnaavoq ataasimoortumik nalunaarusior-nissaq pissappat suliasaq annertoorujussuusassasoq suliasarujussuussalluni. Oqaatigineqarputtaaq taamatut suliaqarnissamut maannakkorpiaq sulisussaqaangitsoq.

Naalakkersuisuttaaq isumaqatigaagut Nunat Avannarliit Killiit Suliniaqatigiiffiata suleriaasiata eqaallisarneratigut Nunat Avannarliit Killiit Naalakkersuisuinut suliakkiisarneq pitsaangorsaaffigineqarsinnaasoq.

Inuit Ataqatigiinit Naalakkersuisut akissuteqaataannut paasinnilluta, itigartitsinissamik inassuteqarnerat ilalerparput.

Qujanaq.